

ՅԱԿՈՎԲ Գ ԿԱԹՈՂԻԿՈՍ . — ՌՃԺ = 1662, ՅԱՆՈՒԱՐ 12.

(Նոռիբակ առաքի զՏէր Յովհ. Վարդապետ առ Նիկողայոս արքեպիսկոպոս և
առ Լեւահայս, իսկոբեկով և տոչոս վասն պարտոռց Էջմիածնի):



Ի ՍՈՒՍԻ Քրիստոսի ծառայ Յակոբ կաթողիկոս ամենայն Հայոց և
պատրիարք Վաղարշապատու լուսապսակ և երկնահանգէտ գերա-
պատիւ և հոշակաւոր վեհափառ և հրեշտակապար սրբոյ մեծի աթո-
ռոյս Էջմիածնի. Յորմէ ժամանեալ հասցէ գիր աւրհնութեան և նամակ
պահպանութեան, շնորհք առաքելական և աստուածային առատահոս
աւրհնութիւն, հանդերձ նախախնամական գթութեամբն ի վերայ հաւատարիմ
և իմաստուն ժառայիցք Քրիստոսի և ճշմարտապէս հոգեւոր մատակարարիդ, և
իսկութեամբ ցաւակցաբար ցաւակցողիդ և մտերիմ հարազատագոյն հարազա-
տիցդ, և սրտէ սիրեցեալ որդւոյդ մերոյ, և մեծափառ հոգեւոր ծնողիս առ-
տուած ընկալ սրբոյ աթոռոյս Էջմիածնայ փառք և պարծոնք՝ Լեւհաց երկրի առ-
տուածապահ քաղաքացդ. Նախ, հաւատարիմ և սիրելի եղբոր մերոյ Նիկո-
ղայոս արհի եպիսկոպոսիդ, և քահանայիցդ և ԲԺ Գատաւորացդ, և առհա-
սարակ ժողովրդոցդ առ հասարակ ամենայնի: Շնորհք ընդ ձեզ և խաղաղու-
թիւն անսկզբնական Էին, և ողորմութիւն նորին Էակից Բանին, նախախնա-
մութիւն և գթութիւն փառակից Հոգւոյն ճշմարտի գետորէն ծաւալեսցի, ան-
ճառ բղխմամբ պարգեւեսցի, հրահոսան իջմամբ տեղասցի, անսահման պայ-
մանաւ ցողեսցի, անձրեւահեղ տարածեսցի, և մշտազուարճ առեղիցի. ամէն:

Աւրհնեսցէ զձեզ Քրիստոս Աստուածն յաւիտենական, պահելով անփորձ և
անսասան, երկարածդեալ ամօք յարամնայական, զարդարեալ առաքինութեամբ
հոգեկան, լրացեալ ընչեղիւք մարմնական, և ուռճացեալ փառօք գերազանցա-
կան, պերճացեալ ուստերօք յոգնական և պճնեալ դստերօք դանազան. նա-
խախնամալ սիրելեօք յարածդական և բարեկամօք միշտ յաւիտենական. ննջե-
ցելոց տացէ կեանս անթառամ յաւիտենից յաւէժ և առ յապագայն. ամէն:

Եւ ընդ սիրոյ նամակիս յայտնի լիցի սիրելեացդ իմոց, զի ահաւասիկ զսի-
րելի և զհաւատարիմ որդին մեր զՏէր Ովանէս վարդապետն առաքեցաք ի
կողմանս ձեր, հանդերձ սրբալոյս մեռնաւ, որ եկեալ նուիրակութեամբ և